



3 KW Sarsura - contrat da concessiun OEES SA - approvaziun

Descripziun (da CS):

Davo la decisiun clera da la RC dals 26-11-2020 da l'approvaziun dal contrat da concessiun da dret d'aua resp. da surportar il proget da la fabrica d'un'ouvra electrica illa Val Sarsura a l'OEES SA (Ouvra Electrica Susasca Susch SA) han EM e CS coordinà cun Markus Hintermann (MH), ca da l'OEES SA ils ultims puncts amo na dal tuot clers i'l prüm sböz dal contrat da concessiun.

Uossa es quist contrat elavurà a fin. La consultaziun interna pro la DO e la SC ed eir pro'l CA da l'OEES SA es gnü fat a partir dals 3-12-2020. L'AEV GR es gnü adüna intretschà illas lavurs preparativas manzunadas. Eir l'AEV GR es gnü furni als 3-12-2020 cul sböz dal contrat preschaint, però cun muosar via, ch'el nun es amo sancziunà davart da l'OEES SA e da la SC dal Cumün da Zernetz.

Proposta a man da la DO:

EM e CS propuonan d'approvar il contrat da concessiun a man da la decisiun finala tras la SC dals 14-12-2020 a basa da la decisiun clera da la RC dals 26-11-2020.

Discussiun DO:

RD spiega ch'el haja let tras il contrat da concessiun e pensa cha quel saja bun uschè. El as dumonda pro'l Art. 19 co cha quai saja cul sez da la firma, schi nus voul formular cha quel stopcha esser Zernetz.

CS pensa cha quai saja cler uschè, schi's voul as possa quai però amo müdar.

El declera cha'l contrat saja gnü fabrichà sü tenor üna muostra da concessiun dal chantun. In coordinaziun cun EM e MH saja quel gnü elavurà. El haja ün fich bun sentimaint per quist contrat. Per el saja important da manzunar cha l'OEES SA surpiglia tuot il proget, inclus ils cuosts chaschunats fin uossa. Eir saja scrit cler cha la sablunera stopcha gnir fabrichada.

FG voul savair scha pro la fabrica da la sablunera gnia il cumün involvè da prüm davent. Tenor el füssa fich puchà scha quai nu füss il cas. CS muossa via cha quai sta scrit aint il contrat da concessiun. El pensa però chi's dessa eir gnir proactiv e restar in contact cun Markus Hintermann.

Decisiun DO e proposta a man da la SC:

La DO segua a la proposta dad EM e CS e rinviacha il contrat da concessiun a la SC per l'approvaziun.

Incumbenzas DO:

FG restar in contact cun Markus Hintermann regard la fabrica da la sablunera

Discussiun SC:

RD spiega eir a la SC sia ponderaziun pro'l Art. 19 e dumonda scha quai basta chi stetta scrit «*Rechts- und Steuermizil der Konzessionärin ist Zernetz.*»

EM declera ch'el haja surtut quella frasa our da la concessiun da l'OEES SA, tenor el basta quai chi stetta scrit.

Eir BSc es da quel'avis. El manzuna cha scha'l cumün venda üna jada las aczias as possa agiundscher cha'l sez a Zernetz saja üna cundiziun.

Implü spiega EM ch'el haja tramiss la concessiun a la WWF e declerà la surdatta da l'ouvra electrica Sarsura a l'OEES SA. Scha tenor la WWF daja d'agiundscher o strichar alch, darana part ad EM.

Decisiun SC:

Tenor proposta da la DO approva la SC il contrat da concessiun.

Per l'extrat:
14.12.2020



Cumün da Zernetz
Pel protocol

Ladina Rodigari